


MAHEBERU,

KAUHANYO YABUBELI ³

 Yabu 7, yabu 8, yabu 9, kauhanyo yabu 10, kuzwa mwahali mwani, oh, mawi! Mube ni potoloto ya mina ni pampili, ni lika zeñwi kaufela, muitukise, kakuli Ni lumela kuli Mulena uka lufa nako yende. Cwale lu ka . . .

²¹⁸ Paulusi usweli kutunafaza ni kutomahanya, mwa sibaka, Mulena Jesu. Cwale, haiba lu ka fela busihu boo, la Sunda kakusasana . . . Mane zeñwi za yona kaufela li ka lumelelana ni Liñusa la kakusasana la Sunda, kakuli ki “kuaba sabata.” Yani kona puzo yetuna mwahala sicaba sa ba Sabata kacenu. Mi Na mi mema kaufela mina kutaha la Sunda kakusasana. Kakuli, ki ifi yelukile, ki la Pelekelo kamba la Sunda, la to lapela? Kana Biblele ibulezi sikamañi sa yona? Mi kacwalo he, kamba ki . . . Buka ye isweli kuaba mulao ni sishemo, mi I sweli kubeya yeñwi ni yeñwi mwa sibaka sa yona. Maheberu ne ba hulizizwe ka mulao, mi Paulusi na ba bulelela sene si ezizwe ki sishemo, ka mulao.

²¹⁹ Cwale, ha lu kaliseni makalelo a zona cwale. Lu ka kaliseza kwa mulaho.

²²⁰ Ni bulele cwana, Ni itekezi magilasi a kubalisa. Mwendi Na kona . . . Haiba ni kaba ni—ni kuli sulula busihu boo, Nina ni zona. Mwa ziba kuli Nina ni . . . Ni sialezwi fela ki myaha yemibeli kuli nibe wa lilimo ze mashumi aketalizoho za kupepwa, mi ha Ni sa bona mo ne Ni bonelanga, bukaufi ni na. Fani kubona kwaka . . . Ni kala kulemuha kuli manzwi amañwi akala kutima, Ne ni hupula kuli Na ba sibofu. Ne ni ile kwa ku tatubiwa. Dokota abulela kuli, “Awa. Kona u sa fitelela fela mashumi amane, mwana ke.” Kihande, ki hali, haiba Ni ka pila kuba ya supezi hahulu, akona kukuta hape, ona kubonela fakaufi kwani kwakona kukuta hape. Mi ali, “Cwale, wakona kubala Biblele ya hao haiba u ikasheza kwahule ni wena?”

²²¹ Se nili, “Eeni.”

²²² Ali, “Kasumulaho nyana, lizoho la hao halina kuba le litelele hahulu.”

²²³ Mi kacwalo Na—Na sepa cwale, mwa palo ye, kuli Ni . . . Yona Biblele yenyinyani ya Collins ye ina ni miñolo yemituna hande mwahala yona. Na kona kuibona hande luli. Kono ha lukene mwa libaka zetuna, ze tungile mo luna ni kunga Testamente ye Nca ni Testamente ya Kale, luna ni ku li kopanya hamoho. Nina ni Scofield yenyinyani. Mi Ni twaezi Biblele ya Scofield, miñolo ya yona. Ha ni balangi litaba za Scofield cwale, kakuli ha Ni

lumelelani ni Scofield mwa lika zeñata za—za lituto za hae. Kono Ni—Ni tabela mo i baakanyelizwe, kakuli ki . . . Ni bile ni yona fa nako yetelele, ni kuibala, ni zeñata cwalo, kufitela Ni ziba mwa kufumanela tuto yaka.

224 Ye ka buino bwa yona ki yenca kuna, ya kuluta, mi ha Ni muluti ya cuukile. Kono, mu ni swalele fa nako nyana fela, Ni ka mi bulelela Niti ka mo Ni I zibela, niteñi.

225 Cwale, Buka ye ki Paulusi, mwa hupula, na li . . . Ne lu mu fumani cwani? Nali muluti yomutuna, ka kukala, kamba muituti yomutuna. Mi na lutilwe mwa Testamente ya Kale. Kana kuna ni yakona ku ni bulelela cwale kuli muluti wa hae neli mañi? [Kopano ili, “Gamaliele.”—Mu.] Gamaliele, alimuñwi wa baluti baba bukwala ba lizazi lani. Mi cwale Paulusi, lu fumana kuli, zazi leliñwi . . .

226 Kale a si ka bizwa *Paulusi*, kuna ni ya kona ku ni bulelela libizo la hae? [Kopano ili, “Saule.”—Mu.] Saule. Mi nali mata amatuna mwa Jerusalema, mata a bulapeli. Mi ki ha taha sina—sina ya lutilwe hande, muuna wa bulapeli. Na kona kubulela mishobo ye mine kamba ye ketalizoho yeshutana, mi nali muuna ya butali hahulu. Kihande, kana tuto ye ni butali bwa hae ne li mutusize nji? Batili. Na bulezi kuli nana ni kulibala kaufela za na ziba, ili kuli aitute Krete.

227 Kacwalo lu fumana kuli, cwale, ha si lwali muuna ya talifile kamba muuna ya itutile. Si lwala mu—mu muuna ya itakaleza ku ikokobeza ili yena fapila Mulimu, hakuna taba kamba ki zecwani.

228 Kana mwa ziba kuli Dwight Moody na—na si ka ituta hahulu, kufita, muñolo wa hae neli o maswe hahulu inge nto ye Ni sa zibi. Neba na ni ku ngungahanya mañusa a hae, ka nako kaufela. Nali—nali wa muñolo o maswe hahulu hulu, ya si ka ituta sitimbi sa mafelelezo.

229 Kana mwa ziba kuli Pitrosi ni Joani, ba mwa Bibe, ne ba si ka ituta kufitela mane bapalelwa nihaiba kuñola mabizo a bona, mi ne ba sa zibi ze ne li fapila bona? Mi Muapositola Pitrosi, ya na sweli linotolo za Mubuso, na sa zibi libizo la hae le li ñozwi fapila hae. Munahane ka zona. Bibe ibulezi, kuli, “Na li sitimbi mi ya si ka ituta.” Kacwalo, seo si ni fa kolo. Amen. Eeni, sha. Sani sa zwelapili kushetumuka, kufumana kuli Mulimu na ezize cwalo ku mutu.

230 Cwale, mi lu fumana kuli, haibile fela Paulusi na bile ni kutwisiso . . . Ni bata kumi buza. Kana ki kutwisiso yeñwi ya kutaha ku Krete? Kana kuna ni yana ni kutwisiso? [Kopano ili, “Eeni.”—Mu.] Eeni, sha. Eeni, sha. Ki Kupepwa. Ki kutwisiso. Mi kacwalo ne luli mwa Koleji ya ba Lutheran, ha ki kale hahulu . . .

231 Ne ni bile ni lithonolo musihali woo, kasamulaho nyana, ne ni lukela kuba kwani ka twelufu kiloko, kwa mulalelo ni—ni Tom Haire. Ki ba bakak babakile ba mu utwa, muika ya zibahala,

wa mu Irish, ndwalume wa tapelo? Mi ubile ni Muzwale Epp, fa tukiso ya hae, mi ubonahala mo mwahala libaka zeñata mwa America. Mi ne Ni na ni mulalelo ni yena kaceny. Mi ne luli . . . Ne ni liyehile ka liholo zetalu. Ne seli bukaufi ni sili seti, bukaufi nyana ni foo, ha lu ca. Kono neli fela nto yende. Mi ne lusweli kuikambota ka lika zee, ka mo Jesu Kreste abezi Toho ya lika kaufela.

²³² Cwale, mi Paulusi ha na fumani se hande, nabile ni kutwisiso ye. Mi a si ka amuhela kale kutwisiso ye, ilukela ku kutela kwa Bibe. Mi lu fumana kuli—kuli azwa mi a yo kena mwa naha isili, mi teñi a yo ina myaha yemilalu, inza balisisa Mañolo, kuli abone haiba kutwisiso ya hae ne ilukile.

²³³ Cwale, lu lemuha kuli nabile ni nto yetuna ya kutalimana ni yona. Na kutile ku to kandekela keleke ya hae, sicaba kaufela, ona lika luli za na nyandisa kuli ne li lukile.

²³⁴ Kana ne mu ka eza nto ye cwalo? Kaniti, mane luli kaufela ne ba ezize, mi ne ba kutile ku yo bulela kuli, “Sicaba se lubiza kuli ‘bapikulhi ba bakenile,’ ha ni to lemuha, kanti ne bali ba balukile.” Mwabona? Kona cwalo. Lwa sikuluhela fela kwatuko. Mi lika ze ne lutoyanga sapili, cwale lwa li lata. Ki cinceho, nto yenca hakalo, yeipitezi.

²³⁵ Cwale, Ni bulezi manzwi ao kuli, ki “mupikuluhi yakenile.” Hakuna sika se si cwalo. Hakuna sika se si cwalo. Kono, ba biza sicaba sani kuli, ki batu ba bakenile. Kono hakuna bapikuluhi ba bakenile. Hakuna sika se si cwalo. Hakuna piho ni yekana mwa keleke yekile ya ñolwa sina cwalo, kuya ka mo Ni kona kubonela, mwahala likopano ze mianda yenaini ni sikisite bukana fahalimu, ze shutana. Hakuna kopano ye bizwa kuli ki mupikuluhi ya kenile. Fela ki—ki libizo la beile diabulosi fa Keleke.

²³⁶ Kono kona mo ne baba bizeza, mwa lizazi lani. . . Ki ba bakai baba ziba mo ne baba bizeza mwa lizazi la Paulusi? Bahanyezi. Mwa ziba seo *kuhanyeza* kotalusa? “Kulyangana.” Ki batu baba lyangana. Kacwalo, Ni ka bizwa fela cwanonu fa kuli “mupikuluhi yakenile” ka kuba “muhanyezi.” Nji cwani? Kacwalo haiba neba—haiba neba biziwa cwalo, ni kunyakalala!

Mi ki sikamañi sa na bulezi Jesu se luna ni kueza ka zona? Na ize, “Mutabe, mi munyakalale hahulu; kakuli mupuzo wa mina ki omutuna oli mwa Lihalimu, kakuli ki bo ba nyandiselize bapolofita babane bali sapili ku muna.” Ne ba ezize cwalo.

²³⁷ Ku izwe kuli, “Mu nyakalalo hahulu.” Sika kaufela se si fitelezi *hahulu* ki “nzila ye pahami,” tabo ya niti. Mi balutiwa, ha ne ba fumani kulwala maswabi a Libizo la Jesu, ne ba nyakalala ka tabo yetuna kuli ne ba lwala maswabi a Libizo la Hae.

²³⁸ Mi kacenu, batu babañata kacenu, haiba ne ba ka ba biza mupikuluhi yakenile, ne ba ka kubama fafasi, “Mawi! Mwendu Ne ni fosize, ka kukala.”

Kono ne ba tabile ka kueza cwalo, “Oh, mawi, ku lwala Libizo!”

²³⁹ Mi cwale, mwa linako za masika a bubeli, neba ba biza kuli “*sifapahano fa mikokoto.*” Zani neli linako foo Bakreste inge ba lwalanga lifapahano fa mikokoto ya bona, kubonisa kuli ne ba takisizwe ni Kreste. Ba ba biza kuli *lifapahano fa mikokoto*. Cwale Na ziba ba Katolika baipizanga cwalo, kono yani ne si keleke ya ba Katolika. Neli keleke ya Baipanguli kale i si ka bizwa kuli keleke ya Baipanguli. Ne i sa lwanisi nto isili kwanda sibi kihona. Libaka le ibezewa kuli ki keleke ya Baipanguli kacenu kakuli ne i ipanguzi kwa—kwa tuto ya tumelo ya Katolika. Kono ki . . . Ki, niteñi, ne isina milulwani ka miseto mwa linako zani, hane ba bizwa kuli *lifapahano fa mikokoto*.

²⁴⁰ Munge fela litaba za kale za Josephus ni bañoli babañwi, ni litaba za Hislop zakuli *Two Babylons*, ni zeñwi cwalo, mi mu ka fumana kuli yeo ki niti, kuli ne ba si likeleke. Keleke ya pili yene onaongilwe, yeneli yona kaufela, neli keleke ya Katolika, mwendi ka myaha ye mianda yemilalu, ka nako ya—ya baapositola ba mafelelezo. Mwendi kasamulaho wa myaha ye mianda yemilalu, keleke ya Katolika ya ongaongiwa. Mi nyandiso ya kena mwateni, mi ya hapeleza sicaba kukena mwa keleke ya Katolika, mi nebana ni naha ni keleke, ze swalani.

²⁴¹ Sani neli kasamulaho, sene si bizwa kuli, cinceho ya Constantine, kuzwa mwa buhedeni kutaha kwa Bukatolika. Kono, haiba kuna ya kile abala litaha za hae za kale, na si ka cinciwa, lika za na ezize. Oh, mawi! Sika fela sa na ezizesa bulapeli neli kubeya sifapahano sa keleke ya Saint Sophia. Yani kona nto inosi fela ya na ezize, ye ne ezizwe ka bulapeli. Na li mu—mu muhahanyezi. Kono ba li biza kuli ki cinceho ya—ya hae. Sina ha ne lu ka libapisa fela ni ku cinciwa kwa kacenu.

²⁴² Cwale, kono, lu fumana kuli, Paulusi ha na cincizwe mi na bile ni kutwisiso ya niti ye, na sikuluhile luli ka kufelelela.

Mi, mwa ziba, *cinceho* italusa ku “fetuha kufelelela.” Ha u ya ka nzila *ye*, mi mwa fetuha ni kukalisa kuya ka nzila *ye*. Eeni, sha. Ki kufetuha ko ku felelezi, kotalima kwa mulaho.

²⁴³ Mi Paulusi, ha na sa cincizwe, a si ka ba kale ni kutwisiso ya hae. . . Cwale, na bile ni kutwisiso yende hakalo.

Cwale, Na lumela, ha mu amuhela Kreste, ka kuba fela Mupulusi wa mina, ki kutwisiso. Na lumela, tabo ya kuziba kuli sibi sa hao si swalezwi, zeo litabisa fela pilu ya mina, nako ni nako.

²⁴⁴ Kono cwale Moya o Kenile o fuyozwi ha utaha fafasi, yeo kona kutwisiso, Kupepwa kokunca kwani, kuli hamuna kulibala. Mu fetuha kuba Mwana Mulimu. Mi ki se fa se si ezahala.

“Kana u ziba cwani zeo, Muzwale Branham?”

²⁴⁵ Cwale, ze ki lituto za kulutiwa. Batu ba bañata, ba Methodist, ba lika kubulela kuli, “Ne ba huwile ha ba U amuhela.” Kihande, zeo kaufela ki zende. Haiba una ni Ona, ni kuhuwa, kulukile. Kakuli u huwile, ne si sisupo sa kuli una ni Ona, kakuli ba bañata ba huwile kono ha ba si ka ba ni Ona.

²⁴⁶ Ba Pentekota ba ize, “Ha ne ba bulezi ka malimi. Ne ba U amuhezi.” Zeo kaufela ki zende. Haiba u bulezi ka malimi, ni ku U amuhela, ku lukile. Kono mwakona kubulela ka malimi imbo niteñi hamuna Ona. Cwale?

²⁴⁷ Kacwalo, mwa bona, kasamulaho wa zeo kaufela, ki kutwisiso ya kuzwa kwa lifu kukena mwa Bupilo; fo lika za kale kaufela ha li shwa, kipeto lika kaufela lifeuha zenca. Krete uba wa niti. Lika za kale za wa kwateni, mibisi ya kale ya butu bwa nama. Mwa ziba mwa ku pumbulela mubisi? Ne lubanga ni muhuma wa kukupelela ni ku u inamela, ni ku lima katata kufitela kutokwa kusiala sika mwateni. Mi se bali, “Haiba kuna ni mubisi wa buhali kaufela o mela ku mina, ha mu ukumule.” Yeo ki niti. Mi seo kona se u eza Moya o Kenile, mukumule mibisi kaufela. Mu ikate ipumbuke. Mu ibundeke hamoho; ni kuicisa. Mu ilatele kwahule. Muna ni limela zende fo cwale, haiba lueza cwalo.

²⁴⁸ Cwale, Paulusi na zibile kuli sesiñwi ne si ezahalile, kacwalo a kutela mwa Arabia, mi teñi a yo balisisa ka myaha ye milalu ka baplofita ba Testamente ya Kale kaufela, mo ne ba polofitezi. Mi a to fumana kuli Ne li yona Niti luli ka kutala.

²⁴⁹ Cwale, mu bapise seo ni kacenu, mwabona, fa kutwisiso yelubile ni yona mo mwa kekeke yenyinyani ye: ya Naleli ya Kakusasana yene bonahalile mwabuse, ona Liseli tuna lani lene litile fafasi, le ne lika bulela ze sa taha kwapili ni kubonisa ze ka ezahala. Mwa ziba, zani ki zende. Kono muzwale waka wa mukutazi na ni bulelezi kuli, “Ne li za diabulosi.” Mi Ne—Ne ni si ka liutwisisa.

²⁵⁰ Kacwalo, Ne ni si ka bulela sika ka zona konji busihu bobuñwi, nekubile kutwisiso yene ezahalile kwani kwa Green’s Mill, Indiana, fani Lingeloi la Mulena ha li to zamaya kuhata fafasi ni kutema fani, ni ku li bonisa hande ka Mañolo. Mi se li tumbula mulilo. Mi wa kala kuhasana.

²⁵¹ Mi ha ki kale kono ki la Sunda yefelile, hane luboni mitala ye sa palelwi ya Jesu Krete, Yana kona kunga muuna ya na si ka zamaya fateni, mi nasina. . . Musinga wa hae omukonisa kuyena inge usinyehile, fani ba Mayo ni madokota babande hahulu hane baize, “Ku felile, kuyakuile.” Mi ainzi ali sibofu; ayema ni kuzamaya kuzwela fande a muyaho, inza kasha sipula sa hae sa mawili kushetuuka fa mapahamelo, na kona ku zamaya ni kubona sina mutu kaufela. Sani si bonisa kuli neli mata a Mulena Jesu ya zuhile. Ki zeo foo. Yena wa swana maabani, kacenu, ni kuyakuile.

252 Kacwalo kikuli ha lu si ka tabela busihu boo, ka kuziba kuli Mulimu u pakile kutwisiso tuna yelunani ye, kuli ibapiswe kwa Biblele ya Hae ye mi ni sepiso? Kacwalo lu lukela kuba baba tabile hahulu. Mi lwa lemuha cwale, kuli mwa kauhanyo ya 2, lu fumana kuli, “Ha lu lukeli kutuhelela lika ze . . . Ha lu lukeli kukeshebisa lika ze.” Lu lukela ku kumalela lika zani.

Mi cwale lu ka banduka cwani, haiba lu keshebisa kupiliswa ko kutuna kwa; . . .

253 Ki sikamañi se lu ka eza, mwa liseli la Linzwi la Mulimu, ha lu ka yema fa Museto wa Katulo? Hamukoni kubulela kuli, “Na li kuba ni zibe shutano ifi kaufela.” Oh, eeni, wa ziba. “Kihande, cwale, Muzwale Branham mwendi u lyanganehile.” Yeo ki niti. Kono Mulimu ha si ka lyanganeha. Linzwi la Hae ha li si ka lyanganeha. Mi munahane fela, ka nto yeswana, haili Biblele, yene pila mwahala ba apositola, baba pila hape. Oh, kufuyolwe Libizo la Mulena!

254 Ha Ni nahana kuli Nina ni myaha ye mashumi amane ka ze ketalizoho ni zetalu za kupepwa, bukaufi ni mashumi aketalizoho, mi mazazi a ka a bunca afelile, ni zeñwi cwalo; ka kuziba kuli kuzwa kwa bushimani bwaka kuli Ni bile ni Sepiso yefuyozwi ye, mi ni I bulezi kwa mizwale baka ni likezeli; ni kubona likitikiti za bani baba zwile mwa lififi, ka kuziba kuli luya kwa Ndu ya luna ya Kuyakuile, ku baba fuyozwi. “Mi haiba tabernakele ya lifasi ye isinyeha,” kale Ni si ka feza kukutaza, “kuna ni yeñwi ye lu libelezi.” Haleluya! Ka kuziba kuli kuna ni buñata bwa sicaba babaliteni mo, kuli, haiba bakona kuzwa mwa bupilo bo ona fa cwale; lusika isa kale mubili wa bona ku malukula, bakona kuba mwa mubili o fuyozwi wani mwabuse, inge ba nyakalalo ni babakenile ba Mulimu, babali kale Fapila Mulimu, ku yo pila kuyakuile. Ni ponahazo ye petehile, ya kuli kaniti ku cwalo! Amen.

255 Oh, seo sikona kueza kuli ba Presbyterian ba huwe! Kana neli la Sunda, nji cwani? [Kopano ili, “Amen.”—Mu.] Sicaba sani ne li sa Presbyterian. Kaniti ne ba ka kona, ku nahana cwalo. Oh, ki kabakaleo sicaba ha sili sa maikuto hahulu! Kiñi, haiba muba ni maikuto aku nata mbola kamba iposeza mwa kanyandi, kana li ka mi fitisa kai ka kuziba kuli muzwile kwa lifu kukena mwa Bupilo, kuli u Sibupiwa se sinca ku Kreste! U ka ziba zeo ka moya mo u kuisseza kwahule ni pilu seta, ni nyoko, ni toyano, ni lika kaufela za lifasi. Mi pilu ya mina itomilwe fela ku Kreste. Yeo kona milelo ya mina. Zeo kona ze mu nahana fela mwa minahano ya mina, mwa lipilu za mina, musihali kaufela ni busihu. Ha mu ya kwa kulobala busihu, ni kubeya mazoho a mina kwa mulaho wa mina, sina *cwana*, ni kulobala fela fani ku Mu lumbeka kufitela mukena mwa buloko. Hamu zuha, kakusasana, mu sa Mu lumbeka. Amen. Oh, mawi!

256 Ni likile ku Mu lumbeka. Ka nako ya kakusasana, lubile lu zuha ka foo kiloko, Muzwale Wood mi Na, ni yanga ka kupakela kakusasana, ku yo zuma tumale. Na Mu lumbekanga mwatasa kota kaufela, Na lumela, ye Ni tile ku yona. Hanikoni ku bona kota, kusina ku Mu lumbeka. Kunahana, kuli Na melisize kota. Hamubona mbimba yenyinyani yesweli kufufa; Wa iziba mbimba yani. “Oh,” mu li, “bukuba, Muzwale Bill.” Oh, batili, ha ki cwalo. Wa ziba ko kunani kamala kaufela. Wa ziba kaufela ko kuna ni kokwani ya sipulumuki kaufela.

257 Kiñi, ka nako yeñwi, Na tokwa masheleñi nyana, mi ki Hali, “Pitrosi, kuna ni tapi, fa nako nyana, ye mizize sheleñi ya muwayawaya, ze lukela fela kubateni, kuya ka ze lutokwa. Zamaya u yo cimbeka kashuto mwatani. Ni ka iluma mwatani. U zwise sheleñi ya muwayawaya mwa mulomo wa yona, kakuli haikoni kuitutisa yona, isnosi. U yo ilifa sa bulishumi saluna ni mitelo ya luna.” Amen.

258 Mi lisunda nyana kwa mulaho, Ne ni boni tapi nyana ye bulailwe, inge ifetuhile fa mezi. Kaufela mina mu utwile likande la yona. Kiya Muzwale Wood, mi muzwale wa hae ni babañwi kwanu ki lipaki za zona. Tapi nyana yani ye ne shwile fa licika la hola, fa mezi, ni mala a yona inge a labukezi mwa mulomo wa yona. Mi Moya o Kenile omutuna wa taha fafasi, kasamulaho Amano bulela, zazi la kwa mulaho, “U ka bona zuho ya folofolo yenyinyani.” Mi kakusasana otatama mwendi, lizazi hase li tutumukile nyana, lwa bona katapi kakanyinyani kani, ne ka sa fiteleli butelele *cwana*. Mi Moya wa Mulena wa shetumuka, mi wali, “Katapi kakanyinyani, Jesu Kreste wa ku folisa.” Mi tapi ye shwile yani, yene sweli ku cimbauka fahalimwa mezi mwendi licika la hola cwalo, ya kutaha kwa bupilo ni kutapa katata mo ne ikonela. Oh, kufuyolwe Libizo la Mulena. Ka Mwa bezi yomunde!

259 Ki kabakaleo Paulusi nabulezi, kuli, “Na li mwa kalulo ya Melekisedeke.” Na li yena Melekisedeke. “Melekisedeke nasina makalelo a mazazi. Nasina mafelelezo a myaha. Nasina makalelo a bupilo kamba mafelelezo a bupilo. Nasina nihaiba ndate kamba mahe.” Kacwalo, Nasike kuba mutu usili fela. Yo nali Yena kaufela, Usa pila ni busihu boo. Kacwalo, kona fela mufuta ulimuñwi wa Bupilo Bobusafeli, mi bwani ki Mulimu.

260 Manzibwana maabani hane luna ni ngambolo, muzwale yomuñwi na sa utwisisi silaalu sa Mulimu, ni mo ne lubulelela ka zona. Kuli mane Jesu na yemi fani, ali Muuna, wa lilimo ze mashumi amalalu za kupepwa. Mi ki Hali. . .

Se bali, “Oh, bashemi ba luna ne ba cile manna mwa lihalaupa.”

261 Mi ali, “Mane kaufela bona, mañi ni mañi, ba shwile.” Kono Yena ali, “Kina Sinkwa sani sa Bupilo se si zwile ku Mulimu kwa Lihalimu, seo mutu ha si ca hana ku shwa.”

262 “Oh,” se bali, “bashemi ba luna ne ba nwile kwa Licwe la mwa lihalaupa.”

263 Mi ali, “Kina Licwe Lani.” Muuna wa myaha ye mashumi amalalu a kupepwa. Ali, “Abrahama na tabile ha bona lizazi la Ka.”

264 “Kiñi,” bali, “cwale U ni bulelela kuli U yomuhulu kulikana ni Abrahama, mi mane ha U si ka kwanisa kale myaha ye mashumi aketalizoho a kupepwa, mi utalusa kuli U boni Abrahama ya sa shwile myaha ye mianda iketalizoho ka yemilalu? Lu ziba kuli Una ni moya o maswe cwale. Wa pumuluka.” Seo kona se. . . Seo kona *dimona* italusa, “mutu ya pulumuka.” Bali, “Una ni moya o maswe, mi Wa pulumuka.”

265 Ki hali, “Mane Abrahama asikaba teni kale, NITENI.”

266 Yani nali Yena. Na si fela mutu wa fela fela, kamba kuli Nali fela mupolofita. Na li Mulimu, Mulimu ya pila mwa lifasi mwa mubili wa nama o bizwa “Jesu,” ali—ali Mwana wa Mulimu mwa mubili. Yani nali Yena ona cwalo.

267 Cwale, lu Mu fumana kulo fa, kuli mwa kalulo ya mafelelezo cwale, ku kukwala kwa kauhanyo ya 2, yene Ni bata kufita ku yona, ku kalela ka timana ya 16, kamba timana ya 15.

Mi a ba kasheza . . . mwa sabo ya lifu—ya lifu ko nako ya bupilo bwa bona kaufela ika beiwa mwa litamo.

Kona sa na bulezi kuli na ezize Jesu, kuli Na tezi ku to pilisa baba li mwa litamo, bene bali mwa sabo ya lifu mwa nako ya kupila kwa bona kaufela.

268 Cwale hakuna tuso ya kusaba lifu. Cwale, eeni sha, lwa li saba; luna, hakuna ni yomukana wa luna ya li tabela, se lu biza kuli, *kushwa*. Kono kana mwa ziba kuli haiba mutu u pepilwe sinca hakoni kushwa? [Kopano ili, “Amen.”—Mu.] Ukona kuba cwani ni Bupilo Bobusafeli mi ashwe? Ha koni kuba cwalo. Nto inosi fela yeli lifu, linzwi la kuli *lifu*, litalusa “kauhano.” Cwale uka kauhana kuzwa liito la luna. Kono kamita ubile fapila Kubateni kwa Mulimu, mi kamita ukana aba cwalo. Kacwalo, lifu ha ki nto yetata. Lifu ki sika se si kanya. Lifu kona le li luisa fapila Kubateni kwa Mulimu.

269 Kono cwale, eeni sha, luna, ka kuba batu ba nama, lu zamaya mwa libyana ze nsu ze mo, halu—halu utwisisi mo lu lukela ku utwisiseza. Mi, eeni sha, ha kutaha meno a buhazo bwa lifu, a eza kuli mane ni yena yakenile kufitisisa mwahala luna a sabe ni kukuta mwa mulaho. Ne si ezize Mwana Mulimu kubulelela kuli, “Kana sinwiso se sakona kufitelela?” Ki nto ye maswe. Musike mwa li fosa. Kakuli luna. . . Ki mulatu wa sibi, lifu li cwalo, mi li na ni kuba le li sabisa.

Kono haiba lukona kotalima kufitelela lisila lani, kwabuse kwani, kwani kona ki lifumaneha. Ku fuyolwe Mulena! Kwabuse fela bwa lisila, fani kona fo mutu alakaza kotalima fateni busihu

bo. Anna Mae Snelling yomunyinyani ni babañwi ne ba opelanga pina ye kuli, “Mulena, Nibata Kutalimela Kwabuse Bwa Lisila la Nako.” Mutu kaufela ubata kubona sani.

270 Cwale, cwale ki luna ba fa, mwa timana ya 16. “Kakuli luli Na ngile. . .”

Kakuli a si ka ikungela, sibupeho sa mangeloi; kono a ikungela peu ya Abrahamama.

271 Oh, lu bata ku tiiseza fo hape cwale. Cwale lutaha ka kushetumuka kuli lunge. . .Kakuli, kalulo ya pili ya kauhanyo ya 3, kalulo ya mafelelezo ya yona, ya tamahana hande fa “lizazi la sabata,” kwa Sunda yetaha ye.

272 Cwale hamutalimele.

. . . a si ka ikungela . . . sibupeho sa mangeloi; . . .

Cwale, yo ki ufi “Yena,” yo asweli kubulela ka yena? Kreste. Kana Kreste ki mañi? Mulimu, ki lumonyi yona Logos ya Mulimu.

273 Cwale ha mu ni lumeleze ni tatulule se hape, kuli mu zibe hande. Mulimu ha ki Balimu babalalu. Silaalu sa Mulimu ki Buñwi. Ndate, Mwana, Moya o Kenile, ha li talusi kuli kuna ni Balimu ba balalu ba ba shutana. Haiba ku cwalo, ne lukaba bahedeni. Ki kabakaleo Majuda ha ba sa utwisisi. Ne i si ka lutiwa mwa Biblele. Cwale, i lutilwe mwa keleke ya Katolika, kaniti, kwani kona ko ku zwelela kolobezo ya lika zetalu.

274 Mwa Africa ba mi kolobeza halalu sifateho kutalima kwapata: hañwi ka Mulimu Ndate; hañwi ka Mulimu Mwana; hañwi ka Mulimu Moya o Kenile. Cwale, ao ki mafosisa. Hakuna lituto ze cwalo mwa Biblele. Mwabona?

275 Mi cwale, sani—sani kona sene ba lutile. Ne li tile ka Luther; kuzwa ku Luther, kutaha ku Wesley; kushetumuka cwalo mwahala masika hana nza taha cwalo. Kono ne i si tuto ya Biblele. Kamita ne li mafosisa, ku zwelela ha ne ikalile.

276 Cwale, kacwalo, Mulimu na liteni kwa simuluho. Kusikaba kale liseli lifi kaufela, mane kusikaba kale ni katowati, mane kusikaba kale ni naleli, mane kusikaba kale sika sesi bonahala, Mulimu u tala sibaka kaufela. Mi mwahali Mwani nekusina sika kwanda kukena: lilato le li kenile, kupetahala ko kukenile, kuluka ko kukenile. Ne li Moya. U tala lihalimu kaufela kuzwa kwa Kuyakuile, ko lu sa koni ku Li nahana. Si fitelela sika kaufela selukona ku nahana.

277 Inge mwa siiponi mwani, neluka bona si—si sibaka sa liseli leli kona kulikana ma milioni a lilimo. Munahane ka zona. Sibaka sa myaha ye likana milioni ya liseli. Ni liseli—liseli li mata ka lubilo lolufita fa limaili ze eiti sauzande fa muzuzu nyana. Ni myaha ye mwanda ni milioni ya sibaka sa liseli. . . Mu nahane fela kuli ki limaili zekai zekona kuba zeo. Mane hamukoni nihaiba ku li bala. Mu kona kunga fela likalulo za ma

naini ni ku li potolosa Jeffersonville, kono niteni hamukoni ku li fumana mwa limaili. Munahane ka zona. Mi kwabuse bwani kuna ni linaleli ni manaleli amatuna tuna. Mi Mulimu, yeñwi ni yeñwi ya zona isika ba kale, Yena naliteni. Mwabona?

²⁷⁸ Mi cwale lumonyi lwa Logos lone lu zwile ku Mulimu, lone luli—luli Logos, ze kaufela li kalile kupangeha mwa—mwa sibupeho sa mubili. Mi mubili wo wa bizwa, kuya ka lituto za baituti kuli, Logos, yona Logos yene zwile ku Mulimu. Ka manzwi asili, kona—kona linzwi lelinde la lona, kona se lu biza kuli mubili wa bungeloi. (Bungeloi ki mubili wa butu o filwe kanya.) Isifiñi hande ka nama ni mali inge mo likona kubela mwa kalulo ye filwe kanya, kono ki mufuta wa mubili wa butu o sa ci lico, kamba nihaiba kunwa, kono ki—ki mubili, mubili o sweli ku lu libelela ha lu ka zwa fela ku woo. Cwale, mwahali mwani, lu kena mwa mubili wani. Mi wani kona mufuta wa mubili wo Mulimu nali ku ona, kakuli Na ize, “Ha lu eze mutu mwa sibupeho sa luna ni ka kuswana kwa luna.”

²⁷⁹ Cwale, mi cwale mutu hataha mwa mubili wani, nana ni tamaiso ya litapi kaufela, ni linyunywani, ni—ni libatana za mwa naheñi. “Mi nekusina mutu wa kulima mubu,” Genese 2. Na sa bupile kale muuna ni musali, kono hakuna mutu wa kulima mubu.

Mi Mulimu aeza mutu wa liluli la lifasi. A mu fa lizoho inge la—inge la pombwe. A mufa lihutu inge la bere. A mu fa, A mu bupa, mwa sibupeho. Mi mubili wa nama wo u mwa sibupeho sa bupilo bwa folofolo, mi ubupilwe kwa libyana ze swana. Mubili wa hao u bupilwe fela ka kuswana ni libyana za mwa mubili wa mbongolo, kamba za nja, kamba sika kaufela se si cwalo. U bupilwe ki kalsiamu, potashi, petroliamu, liseli la kozimiki. Fela hauna fela. . . Nama kaufela ye cwalo ha ki nama ye swana; ki nama ye shutana, kono u bupilwe fa liluli la lifasi ko u zwile.

Kono, shutano yeli mwahala folofolo ni mutu, Mulimu u beile moyo ku mutu, mi Ha si ka ubeya mwa folofolo. Kakuli, moyo o no li ku mutu kona bungeloi bwani.

Oh, Hani—Hani, Hani na kufita fa . . . tuto ye, kono Ni lukela kunga se.

²⁸⁰ Mutalime. Kana ha mu hupuli fani Pitrosi hanali mwa tolongo, mi Lingeloi la Mulena la taha mi la kwalula minyako?

²⁸¹ Ne lu sweli kufita mwa sibaka sa kulekiseza sa supamaketi kwanu, zazi leliñwi, mi sikwalo sa kwaluha fapila luna. Se nili, “Wa ziba, Bibebe neina ni zeo pili.” Mwabona? Cwale, kuikwaluhela, sikwalo, isali sona fela.

²⁸² Mi cwale Pitrosi ha zwela fande, inza zamaya bukaufi ni balibeleli baa, neba bile bubofu ku yena. A fitelela mulibeleli wa fahali, mulibeleli wa kwande, kuzwela kwande a kuta, kukena mwa limota, ku yo fita ni mwa mukwakwa. Mi hakuna wa bona yana zibile yon ali yena. Mi na si ka iseza ngana. . . Ne ba

hupula kuli neli mulibeleli yomuñwi kamba nto yeñwi. Bona . . . Na ifitela fela, mi sikwalo sa ikwaluhela isali sona, hana zwela fande cwalo, mi sa ikwala mwa mulaho. Mi cwale ha na ilo fita kwani, a hupula kuli nasweli ku lola. Mi aliba kwa ndu ya Joani wa Mareka, kone bana ni mukopano wa litapelo. Mi ki ha ngongota. . . [Muzwale Branham u ngongota fa katala. Hakuna manzwi fa tepu—Mu.] . . kuli abe mwahala mina.

283 Oh, Ki ya kanya. Ki yomunde.

Cwale, oh, *a si* ka ezwa ka sibupeho *sa* lingeloi; *kono a nga . . . peu ya Abrahamama*. Mulimu aba *peu ya Abrahamama*.

284 Cwale, kambe luna ni nako, kukutela kwa mulaho kubonisa mwa Na li ezelize mwa Bulikani! Mu ni utwile ha ni kutaza ka zona, linako zeñata, mwa na ngezi lifolofolo zani ni ku lipazaula fahali, ni ku yumba nkwilimba ya muuna ni ya musali mwateni. Mi a talima, mi ki ha bona musi nyana, nto yesabisa, lifu. Nto yetatama, musi o tushana, lihele. Kono, kwabuse bwa sani, ne ku tushana Liseli nyana le li sweu. Mi ona busweu nyana bwani bwa fita mwahala liemba ze pumilwe zani za sitabelo, kubonisa sa Na ka eza. Mi A nga buitamo bwa kuikonka, ha Na ezize cwalo, mi ki Ha ñola Bulikani, kubonisa kuli Na ka eza cwalo.

285 Mi Yena, Jesu Krete, ataha mwa lifasi; Mulimu, *Emanuele*, “Mulimu mwa nama.” Mi fa Kalvari, Na pazuzwi fahali. Mi Moya wa Hae wa kutela hape mwa Keleke. Mi mubili wa Hae wa ngelwa mwa lihalimu ni ku yoina fa Lubona Iwa Mulimu.

Lubona Iwa Mulimu! Yena yali fa Lubona ki yena Muatuli. Lwa ziba cwalo. Kihande, kana Katulo ikai? Ndate u file . . . Yena ha atuli mutu. Kono Ndate ubeile likatulo kaufela ku Mwana. Kona Mwa inezi. Mi Bupilo bwa Hae kona Muprisita Yomutuna, ya inzi fani ni mubili wa Hae sakata, ka kuba sitabelo, kuli alu kupele kwateni. Amen. Muzwale, seo sikenya nto yeñwi ku wena.

286 Mulemuhe, “Na i ku ngezi Peu ya Abrahamama.” A ba Mutu. Mulimu, aezwa nama mwahala luna, ku to lu liulula. Mwa manzwi asili, Mulimu atoba sibi, kuli luna baezalibi lukone kunga siemba sa Hae. Mi ha lunga siemba sa Hae, lu ikabela ku za Hae. . . Ne luli batu ba ba tamilwe ka nako, lilimo ze mashumi asupile. Mi Mulimu ataha fafasi ni ku to ba alimuñwi wa luna, lilimo ze mashumi asupile, kakuli nako ya Hae ye tomilwe, kuli lukone kuikabela kwa siemba sa Bupilo bwa Hae Bobusafeli. Mi ha lu pepilwe sinca, lu bana ba bashimani ni basizana ba Mulimu, ni kuba ni Bupilo Bobusafeli, mi haluna ku shwa.

Oh, ha ki—ha ki—ha ki Mupulusi ni yoo ya fuyozwi! Oh, hakuna mukwa wa ku iñola ka ona. Hakuna mukwa wa ku itoloka. Lifitelela mwa ku li tolokela. Hakuna yakona kutoloka mo Li bezi zetuna. “U Yomutuna cwani! U Yomutuna cwani!” ki niti.

Kabakaleo mwa linto kaufela a tabela kuezwa ya swana ni bana ba Habo, . . . (Munahane ka zeo.) . . . kuli abe muprisita yomutuna ya musa ni ya sephala mwa lika za Mulimu, . . . (Muteezeze ku se.) . . . kuli akutisane lipilu . . . ni sicaba sa sibi.

Ku kutisana lipilu, cwale, Mulimu, ka kuziba kuluka, na na ni kuba wa saluluti, kuli autwe sene si lukela kuba muezalibi, ku kutela kwa kukutisana lipilu, ka “kukutisana lipilu,” ni kuba ni makeke fa sicaba.

²⁸⁷ Timana yetatama, amu I teezeza fa.

Kakuli mane yena kasibili u nyandile . . .

²⁸⁸ Mulimu na si ke kunyanda mwa Moya. Nana ni kutoba nama ya mubili, kuli autwe butuku bwa makulano, kuli autwe muliko wa ku lakaza, kuli autwe muliko wa kutokwa, kuli autwe muliko wa kulapa, kuli autwe mata a lifu. Kuli Akone ku li lwala fahalimwa Hae kuli ayeme fapila Kubateni kwa Moya omutuna wa Jehova, Moya, isiñi Mutu; ki Moya, kuli a lapelele bupilo boo. Mi Jesu aikungela sani, kuli akone ku lu kupela kwateni, kakuli Wa ziba mo li utwahalela. Ha u kula, Wa ziba mo u i kutwela. Ha u likiwa, Wa ziba mo u i kutwela.

²⁸⁹ Cwa, kana mulemuhile ha lu keta mueteleli wa naha, mulimi kaufela u ka keta mueteleli wa naha yakile aba fateni mulimi, kakuli wa ziba siemba se sitata sa bupilo bwa mulimi. Mwabona? U bata mutu yomuñwi ya utwisisa.

²⁹⁰ Mi mane Mulimu a si ka utwisisa kale; Yena ka kuba Kukena kokutuna kwani. Mwa Na utwisiseza, kasamulaho Amano nyaza mutu? Ka kukena kwa Hae, Na nyazize mutu. Mi mukwa fela Wa kona ku ziba ka ona mwa ku puluseza mutu ki ka kuba mutu.

²⁹¹ Mi Mulimu a apesa mwalanjo mi a apepa mubili, isiñi mali a Majuda, isiñi mali a Bamacaba, kono ki Mali a Hae Kasibili. Mali a Mulimu a bupilwe, kusina kuba ni kopano ya foso, ni hanyinyani, kusina takazo ya foso. Mi Selu ya Mali ye, yene bupilwe mwa mba ya musali yoo, ya tisa Mwana mushimani. Mi ha Na kolobezwa ka Joani Mukolobezi, Joani ali, “Ni paka kuli, ni boni Moya wa Mulimu (sina liiba) inge ushetumuka fahalimwa Hae.”

²⁹² Ki kabakaleo Jesu hana bulezi, kuli, “Mata kaufela mwa Lihalimu ni mwa lifasi abeilwe mwa lizoho la Ka.” Mulimu ni mutu baba Alimuñwi. Lihalimu ni lifasi za to swalana hamoho, mi Na li Yena yakona ku lufa ku kutisana kwa lipilu bakeñisa libi za luna. Leo kona libaka la kuli, ka Libizo la Hae, kufola kwa ezahala. Wa ziba butuku bwa hao.

²⁹³ Mukile mwa utwa fateni pina nyana, ya kale ye?

Jesu wa ziba butuku bo utwa, Wakona kupilisa mi Wakona kufolisa;
Isa mutiyo wa hao ku Mulena ni ku usiya teñi.

Kana ki niti. Wa ziba.

Mubili wa luna ha u zielehile ni butuku, mi
 buiketo bwa luna bupala kuitiisa,
 U hupule fela kuli Mulimu mwa Lihalimu u
 alaba litapelo;
 Jesu wa ziba butuku bo utwa, Wakona kupilisa
 mi Wakona kufolisa;
 Isa fela mutiyo wa hao ku Mulena ni ku usiya
 teñi.

²⁹⁴ Kona fela Za kupa, “U li siye fela ona fani.” Kiñi? Ki yena Muprisita wa luna Yomutuna ya yemi fa, ya ziba mo u ikutwela. Mi Wa ziba mwa ku kutisanela lipilu za mina kutaha kwa sishemo, ni mwa ku mi kutiseza kwa buiketo bwa mina. Wa ziba kaufela zateni; Na nyandile. Ha u sina sibaka sa ku sameza fateni toho; Nana ni ze swana. Ha u na ni kolo ya kuba ni liapalo; Nana ni ze swana. Ha u sehiwa, kunyandiswa; Nana ni ze swana.

²⁹⁵ Muteeleze kwa timana ya mafelelezo cwale. Ku lukile.

. . . wa kona kutusa ba ba likiwa.

Kamba, mwa manzwi asili, Wa kona ku ba *sileleza*, ku ba *tusa*, ni ba eza . . . ku ba *utwela* butuku. Kakuli, Mulimu Kasibili na ti loba mutu, kuli akone kuba ni maikuto a zona.

²⁹⁶ Mwa hupula, busihu bobuñwi, kana ne lu si ka luta ka zona nji? Kuli mane Mulimu nana ni ku . . . Lifu nelina ni mulomo wa buhazo ku lona, neli kalaba ku lona. “Mazazi a bona kaufela nebali mwa litamo bakeñisa ona *lifu* le.” Mi cwale Jesu a taha, kuli Akone ku zwisa buhazo mwa lifu.

Mi ha Na pahama fa lilundu, mwa hupula mo ne lu li tatululezi? Maloteli nyana a mafubelu ani fa koti ya Hae, kasamulaho nyana liba liloteli li liliñwi lelituna, ni kuhasaka Mali ku Yena. Mubili wa hae o munyinyani, o tezi butuku, Na si ka ya fahule hahulu, mi A wa. Simoni wa Sirene, muuna yomunsu, a Mu tusa kulwala sifapahano ku pahama lilundu.

Mi ha ba yo Mu kokotela fa sifapahano, mi A kupa mezi. Mutu kaufela ya zwa mali utokwa mezi.

²⁹⁷ Mwa hupula hane Ni kotalize busihu bobuñwi ka za “Tolo, tolo ye nyolelwa mezi a mwa kasa, kona ni moyo waka mo u nyolelwa Wena, O Mulimu?” Haiba tolo i holofalile mi ya pila, inge ilota mali, ina ni kufumana mezi kusi cwalo ika ishwela.

²⁹⁸ Ne ni kunupilwe, kwani mwa simu, hane Ni li wa myaha ye lishumi ka yene ya kupepwa. Mi ne Ni lobezi fani. Mahutu aka na luhuhile ku ni atela, inge liñende la nama, kwa tobolo ya milumo a 12. Mi Na huwa kubata mezi, “Oh, amu ni fe mezi!” Na ba ni singonyi; milomo yaka yaba ni singonyi.

²⁹⁹ Mulikana ka amatela kwa lisa la kale, nekuna ni mifuta kaufela ya mawiliwili, mwa lisa. Ne ni si ka ziba kuli neli sikamañi. Mi a kolola fateni ka mezi, mi Na atamisa mulomo

wa ka, mi a hamula komoki ya hae sina *cwana*, ku sululela mwa mulomo waka. Eehe, Neni na ni kubata mezi.

³⁰⁰ Nasweli kulota mali. Mi ali, “Amu Ni fe kwa mezi.” Mi ba Mu fa vinegar kwa siponji, mi A hana kuinwa, a i hana. Nali Ngunyana ya Mulimu yene shwela mwa sibaka sa luna, kutisa kukutisana lipilu ni batu. Neli sikamañi seo? Ki Mulimu wa Lihalimu.

³⁰¹ Billy Sunday nako yeñwi naize, kuli, “Sicacani kaufela nesina ni Mangeloi ku sona, inge ali, ‘Hoha fela lizoho la Hao li comohe mwateni mi u supe munwana wa Hao, Luka cinca buino.’”

³⁰² Sikwata sa bafitelelezi ba tumelo hahulu sani, sa biza baituti babatuna ba ma D.D., Ph.D., ba Mu fita fakaufi mi bali, “Cwale, haiba ki wena Mwana Mulimu! U pilisize babañwi; u palelwa kuipilisa ili wena. Tuluka cwale fa sifapahano, mi luka ku lumela.”

³⁰³ Neba sa zibi kuli ne ba sweli ku Mu lumba. Na ka ipilisa Iliyena. Kono kambe Na ka ipilisa Iliyena, babañwi Na si ke kubapilisa. Kacwalo, A itoboha Iliyena. Kufuyolwe Libizo la Hae. Na ipile Iliyena, kuli Ni piliswe ni wena u kone kupiliswa. Oh, ki lilato le li sa konahali kulikanyiswa!

³⁰⁴ Na sa lukeli kukula. Ona mubili omunde wani o pepilwe ki mwalanjo haulukeli ku ba o kula. Kono yena Aba ya kula, kuli Akone kuziba mwa ku ni lapelela ha Ni kula.

³⁰⁵ Na sa lukeli kukatala, kono Na na ni kukatala. Ni balile likande nyana la kale nako yeñwi ka ona, Hani zibi kamba neli la niti kamba nee. “Ha zusa mushimani yani kwa Naini kwani, kuzwa kwa bafu, A yo ina fa licwe ni kubilaela kuopa toho,” kakuli Nana ni kulwala matuku.

³⁰⁶ Na na ni kulwala sibi sa luna, mi ona cwalo A shwa, mi fa Kalvari fani muka ya kale yani ni lifu ya comeka buhazo bwa yona hañwi. Mutu kaufela wa ziba, kuli muka ha i luma, kipeto haisa kona kuluma hape. Mi muka ha ifufela kusili kamba kokwani kaufela ye luma, ha i comeka buhazo bwa yona, ya comolanga buhazo bwa yona. Isali muka kono hiba mulomo wa buhazo. Nto fele ikona kueza ki ku fufa fufa fela ni kutala lilata leliñata.

³⁰⁷ Sani kona sika sinosi fela seo lifu lukona kueza ku mulumeli, ki kutaza lilata leliñata hahulu. Kono, haleluya, kulumbwe Libizo la Mulena, Na comebile mulomo wa buhazo wani mwa mubili wa Hae. Emanuele na ezize cwalo. A zuha hape, ka lizazi la bulalu, a nyunga buhazo bwani kuzwa mwateni, mi ki Yasashwi busihu boo. Mi Moya wa Hae uteni mwa muyaho woo, mi U ipaka Iliyena kuba yapili mwahala luna. Yani ki yena Mesia wa luna. Yani ki yena Mupulusi wa luna yafuyozwi.



MAHEBERU, KAUHANYO YABUBELI ³ LOZ57-0828

(Hebrews, Chapter Two ³)

MUKOLOKO WAZA BUKA YA MAHEBERU

Liñusa le ka Muzwale William Marrion Branham ne li kutalizwe lwa pili mwa Sikuwa la Bulalu manzibwana, Muyana 28, 1957, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org